

Lus Qhia Paub  
Txog Kev Pab Rau  
Kev Saws Me Nyuam

# Adoption Assistance Information

Wisconsin Department of Children and Families  
Division of Safety and Permanence



*Nws kuj yuav siv sij hawm los mus nrhiav tau tsev neeg zoo phim uas yuav rub tau lub siab ntev, txais yuav, muaj lub siab hlub tshua thiab muaj kev to taub rau ib tug me nyuam uas muaj teeb meem ntau yam puas siab puas ntsws ua mob rau lub hlwb los yog lub cev, teeb meem rau kev coj tus cwj pwm, teeb meem kev mob nkeeg thiab/los yog lwm yam yuav tau kev pab tshwj xeeb. Qhov kev pab rau kev saws me nyuam muaj kev pab rau tsev neeg los mus pab ib tug me nyuam tom qab tau muab tus me nyuam rau saws thiab tom qab qhov kev saws ua tiav tas. Daim ntawv no muab cov lus teb rau cov lus nug hais txog kev pab rau kev saws me nyuam.*

**1. Kev pab rau kev saws me nyuam yog dab tsi?**

Kev pab rau kev saws me nyuam muab kev pab txhawb cov niam cov txiv uas tu ib tug me nyuam xav tau cov kev pab tshwj xeeb kom nws loj hlob uas tus me nyuam muaj feem tsim nyog tau txais raws li cov cai hauv txoj kev pab rau kev saws me nyuam. Kev pab rau kev saws me nyuam kuj yuav muaj xws li pab nyiaj txhua hli rau cov niam cov txiv saws los mus pab rau tej kev siv rau tus me nyuam cov kev xav tau tshwj xeeb. Qhov nyiaj yuav muab npaum cas ntawd yog txiav txim los ntawm tus me nyuam cov kev xav tau tshwj xeeb seb nyob them twg raws li tau muab piav rau hauv qab no thiab tsis pub kom dhau qhov uas tau tsa muaj los ntawm qhov chaw tsim kev cai lij choj (legislature). Kev pab rau kev saws me nyuam kuj tseem muaj xws li ntawv pab kho mob Medical Assistance uas muab xyuas tias muaj feem tsim nyog tau txais qhov kev pab los ntawm Wisconsin's Medicaid Program. Yog ib tsev neeg daim phiaj kho mob (health plan) tsis them rau cov nqi kho mob, tej zaum Wisconsin Medicaid Program kuj yuav them rau ib txhia nqi uas yuav tsum tau kho tus mob.

**2. Kev pab rau kev saws me nyuam muab los txiav txim li cas?**

Tus neeg khiav hauj lwm (social worker) rau kev saws me nyuam xa cov ntaub ntawv thov kev pab tag nrho, sawv cev ntawm cov niam cov txiv saws, mus rau Department of Children and Families (lub department) kom txiav txim txog qhov muaj feem tsim nyog tau txais kev pab. Yog tus me nyuam muaj feem tsim nyog rau qhov kev pab, tus neeg khiav hauj lwm rau kev saws me nyuam thiab tus saib xyuas (supervisor) yuav txiav txim seb yuav pab ib hlis npaum cas raws li qhov tau ntsuas paub tus me nyuam cov kev xav tau. Yog tus me nyuam tsis muaj feem tsim nyog tau txais ib qho nyiaj txhua li raws li tau ntsuas pom tus me nyuam cov kev xav tau, tab sis tau txiav txim tias tus me nyuam yuav muaj tau cov kev pab xav tau tshwj xeeb, yuav muab tsa kom muaj ib qho nyiaj 0 (zero) rau tus me nyuam ntawd, uas yuav muab nce siab ntxiv yog tus me nyuam cov kev xav tau tshwj xeeb muaj ntau tuaj ntxiv raws li muab piav hauv qab no. Txawm qhov twg los qhov nyiaj ntau npaum cas los yog qhov tau 0 (zero) yuav muab teev rau hauv daim ntawv Adoption Assistance Agreement (daim ntawv cog lus).

Yog cov kev xav tau kev pab pauv thaum lub sij hawm muab tus me nyuam tso rau saws thiab thaum cov ntaub ntawv saws ua tiav, yuav xa tau Adoption Assistance Program Application and Decision ib daim ntawv foos mus (DCF-F-CFS0072-E). Yog tsev neeg muaj ib daim ntawv cog lus tseem siv tau, qhov nyiaj muab txhua hli uas teev rau hauv daim ntawv cog lus mam li rov muab txiav txim dua. Tus neeg khiav

hauj lwm rau kev saws me nyuam yog tus xa thiab lis cov ntawv foos uas yuav tsum muaj.

### **3. Dab tsi txiav txim qhov muaj feem tsim nyog rau qhov kev pab rau kev saws me nyuam?**

Ib tug me nyuam nyob hauv kev saib xyuas ntawm qhov chaw khiav hauj lwm saws me nyuam yuav tsum muaj cov kev xav tau kev pab tshwj xeeb rau kev pab tu los yog nyob rau theem siab ntawm qhov yuav muaj tau cov kev xav tau kev pab tshwj xeeb raws li muab txhais los ntawm Wisconsin Administrative Code § DCF 50.03 thiab yog vim cov kev xav tau kev pab los yog cov yuav muaj tau teeb meem no muab tso tsis tau rau kev saws hauv ib lub tsev zoo phim txaus yog tsis muaj kev pab. Tus me nyuam yuav tsum yog qis dua 18 xyoos thaum lub sij hawm saws. Kev muaj feem tsim nyog cov cai, raws li muab txhais hauv Facilitating the Adoption of Children with Special Needs, Wisconsin Administrative Code § DCF 50.03(1)(b), muaj xws li:

- Tus me nyuam muaj hnuv nyoog 10 los yog tshaj saud yog lub hnuv nyoog yog ib yam nkaus xwb uas muab los txiav txim rau qhov muaj feem tsim nyog tau txais kev pab;
- Tus me nyuam yog ib tug ntawm nws pab pawg kwv tij viv ncaus muaj txog peb leeg los yog coob leej dua uas yuav tsum muab tso ua ke;
- Rau ib daim ntawv cog lus uas tau kos npe rau:
  - *Ua ntej lub Xya Hli tim 1, 2011 (July 1, 2011)*, tus me nyuam ua rau pom cov cwj pwm yuav tau kev pab tshwj xeeb (kev tswj tus kheej, cwj pwm kev coj los yog kev tu lub cev/tus kheej) muab los txiav txim tias muaj ntau hauj sim los yog ntau heev hauv cov theem muaj teeb meem nyuaj heev hauv Wisconsin Administrative Code § DCF 50.042;
  - *Rau hnuv los yog tob qab lub Xya Hli tim 1, 2011 (July 1, 2011)*, tus me nyuam muaj tag nrho tsib cov kev xav tau kev pab los yog ntau dua uas tau muab teev tias yog hauj sim xwb los yog loj heev hauv cov teeb meem muab teev rau hauv Wisconsin Administrative Code § DCF 56.23(2)(a) 1.a to e. hauv daim ntawv ntaus nqi (rate schedule);
- Tus me nyuam yog ib haiv neeg tsawg (minority race) thiab cov me nyuam ntawm haiv neeg tsawg ntawd muab tso tsis tau rau qhov twg vim yog tsis muaj cov chaw tso txaus phim tsim nyog; los yog
- Tus me nyuam muaj feem yuav ua tau teeb meem loj hauj sim los yog loj heev nyob rau theem yuav tau cov kev pab tshwj xeeb raws li tau muab piav saum toj saud.

Ntxiv rau qhov muaj raws li ib ntawm cov cai saum no, lwm cov kev tsim nyog tau kev pab yog yuav tsum muaj raws li muab teev rau hauv Wisconsin Statute § 48.975 thiab Wisconsin Administrative Code Chapter DCF 50.

### **4. Muab “me nyuam yuav muaj tau teeb meem” txhais li cas?**

“Me nyuam yuav muaj tau teeb meem” txhais tias yog ib tug me nyuam, nyob rau hauv qhov chaw khiav hauj lwm saws me nyuam kev saib xyuas, uas tsis tau paub

tias muaj ib yam tshwj xeeb xav tau kev pab li muab hais saum no, tiam sis yog tus yuav muaj tau teeb meem loj hauj sim los yog loj heev nyob rau theem yuav tau cov kev pab tshwj xeeb li tau muab piav saum toj saud raws li ib yam los yog ntau yam nram qab no (ntawv qhia paub Wisconsin Administrative Code Chapters DCF 50 thiab DCF 56):

- Muaj ntaub ntawv sau cia qhia paub tias ib tug los yog ob leeg ntawm leej niam leej txiv yug tus me nyuam muaj mob los yog muaj keeb kwm mob nkeeg uas yuav ua rau muaj tau teeb meem loj hauj sim los yog loj heev nyob rau theem yuav tau cov kev pab tshwj xeeb li tau muab piav rau saud.
- Tau muab tus me nyuam tso nyob plaub (4) zaug los yog ntau dua nrog ib tsev neeg coob los yog cov niam qhuav txiv qhuav lub tsev (foster homes) uas yuav puas rau txoj kev ib txwm sib ncawg sib swm.
- Tus me nyuam tau ntsib txoj kev tsis saib tsis xyuas hauv thawj peb (3) lub xyoo hauv nws lub neej los yog raug mob rau lub cev los yog muaj kab mob rau lub cev uas yuav ua rau muaj kev puas tsuaj mus ntev rau lub cev, lub siab ntsws kev tswj tus kheej, los yog kev xav nthuav dav loj hlob.
- Muaj ntaub ntawv teev cia ua pov thawj nyob hauv cov ntawv kho mob los yog cov ntawv cia rau hauv tuam tsev kho mob, ntawv cia hauv tsev hais plaub, los yog ntawv khaws cia ntawm ib qhov chaw khiav hauj lwm muaj ntawv cog lus nrog ib lub county department los yog lub Department of Children and Families los muab cov kev pab rau tus me nyuam vim yog tus niam yug nws tau siv cov yeeb tshuaj los yog dej caw phem heev thaum lub sij hawm nws xeeb tus me nyuam rau hauv plab uas tom ntej mus yuav ua tau rau tus me nyuam muaj teeb meem loj hauj sim los yog loj heev nyob rau theem yuav tau cov kev pab tshwj xeeb li tau muab piav saum toj saud.
- Muaj ntaub ntawv teev cia ua pov thawj nyob hauv cov ntawv kho mob los yog cov ntawv cia rau hauv tuam tsev kho mob tias tus niam yug tus me nyuam tau siv cov kev pab thaum lub cev xeeb muaj tus me nyuam tsis tsim nyog lawm uas tom ntej mus yuav ua tau rau tus me nyuam muaj teeb meem loj hauj sim los yog loj heev nyob rau theem yuav tau cov kev pab tshwj xeeb li tau muab piav saum toj saud.

**5. Dab tsi txiav txim qhov nyiaj txhua hli pab ntxiv rov qab rau kev saws me nyuam seb tau li cas?**

Kev pab txoj kev saws me nyuam yog muab raws li Uniform Foster Care Rate tus nqi tam sim no, uas yog xyuas raws tus me nyuam lub hnuv nyoog, thiab ib qho nyiaj pab ntxiv yog muab raws qhov ntsuas pom tus me nyuam kev tswj tus kheej, cwj pwm kev coj los yog kev tu lub cev / tus kheej cov kev xav tau kev pab. Yog muaj rau qhov no, qhov nyiaj kuj yuav muaj ib qho nyiaj muab pab ntxiv (exceptional rate) nyob hauv thiab. Wisconsin Statutes tsuas pub kom muaj ib qhov nyiaj muab pab ntxiv (exceptional rate) muab tsa muaj *ua ntej* qhov kev saws muab ua tiav tas xwb. Qhov nyiaj txhua hli pab rau ib tus me nyuam, nrog rau ib qhov nyiaj muab pab ntxiv (exceptional rate), yuav tsis pub kom ntau tshaj qhov uas qhov chaw tsim kev cai lij choj (legislature) tsa muaj cia, uas tam sim no yog \$2,000. Ib tug m enyuam muaj feem rau qhov kev pab rau kev saws me nyuam tsam muaj teeb meem (at-risk

adoption assistance) yuav tau txais ib qho nyiaj pab txog \$0.00. Qhov nyiaj muab tsa tsis pub kom muaj ua ntej muab tus me nyuam tso rau saws, tiam sis yeej rov muab tau rov los txiav txim dua ua ntej qhov kev saws ua tiav tas.

Ib tug me nyuam muaj feem tau txais qhov kev pab rau kev saws me nyuam tsam muaj teeb meem (at-risk adoption assistance) thaum lub sij hawm saws (muaj feem tau txais Medical Assistance nkaus xwb, tsis muaj nyiaj ntsuab txhua hlis) tom ntej mus yuav tsis tau txais ib qho nyiaj muab pab ntxiv (exceptional adoption assistance rate) tab txawm yog tsev neeg tau thov ib daim ntawv hloov kho qhov kev pab rau kev saws me nyuam.

**6. Cov tib neeg yuav ua dab tsi yog lawv tsis txaus siab li lub department qhov txiav txim rau lawv daim ntawv thov kev pab txoj kev saws me nyuam *ua ntej* qhov kev saws ua tiav?**

Yog lub department txiav txim tias tus me nyuam tsis muaj feem tau txais kev pab rau kev saws me nyuam ces tsev neeg yuav thov tau kom rov qab muab los xyuas dua uas yog sau ntawv mus rau Division Administrator, Department of Children and Families, P.O. Box 8916, Madison, WI 53708-8916. *Daim ntawv thov no **yuav tsum** muab xa mus thiab muab kev txiav txim rau ua ntej muab qhov kev saws ua tiav.*

Yog tus neeg ua ntawv thov tsis txaus siab rau qhov kev txiav txim los ntawm Division Administrator, yuav tau sau ib daim ntawv mus thov kom tsa muaj ib lub rooj mloog kev ncaj ncees los mus muab qhov kev txiav txim los sib hais dua. *Daim ntawv thov no **yuav tsum** muab xa mus thiab lub rooj mloog kev ncaj ncees tau ua ntawv qhia paub nws qhov txiav txim ua ntej muab qhov kev saws ua tiav.* Nyob hauv ib cov mas, yog muaj tej xwm txheej dab tsi txhwm sim raws li tau muab txhais los ntawm Wisconsin Administrative Code § DCF 50.065(2), ib daim ntawv thov yuav muab ua tau tom qab qhov kev saws ua tiav. Daim ntawv thov yuav tsum muab xa mus rau Division of Hearings and Appeals, P.O. Box 7875, Madison, WI 53707-7875.

**7. Yog tsis muab kev pab rau kev saws me nyuam *ua ntej* qhov kev saws ua tiav, puas thov tau *tom qab* muab qhov kev saws lis tiav?**

Ib daim ntawv thov kom muab kev sab laj pab tswv yim rau kev pab rau kev saws me nyuam tom qab muab qhov kev saws lis tiav yuav muab tau rau tus Adoption Assistance Program Specialist. Cov tib neeg muaj ib txoj cai hais kom muab lub department qhov kev txiav txim rau kev pab rau kev saws me nyuam rov qab los hais dua raws li cov teeb meej muaj hauv qab no:

- Thaum lub sij hawm qhov kev saws muab ua tiav, yeej muaj cov teeb meem rau qhov muaj feem tau txais kev pab rau kev saws me nyuam los yog muaj feem yuav ua tau teeb meem tsim nyog tau kev pab rau kev saws me nyuam raws li tau hais rau hauv Wisconsin Administrative Code Chapter DCF 50; **thiab**
- Ib ntawm cov teeb meem hauv qab no tau tshwm sim::
  - ❖ Muaj cov lus muaj tseeb hais txog tus me nyuam, tus me nyuam tsev neeg yug nws los yog tus me nyuam keeb kwm yav dhau los *uas muaj feem xyuam rau txoj kev saws* uas tus neeg lis kev saws me nyuam yeej

paub txog, tab sis tsis muab qhia rau cov niam cov txiv saws los ntawm qhov chaw khiav hauj lwm saws me nyuam los yog los ntawm lwm qhov chaw ua ntej qhov kev saws ua tiav; **los yog**

- ❖ Tsis kam lees muab kev pab rau txoj kev saws raws li ib txoj kev sim ntsuas tsev neeg saws; **los yog**
  - ❖ Qhov kev txiav txim los ntawm lub the department tias tus me nyuam tsis muaj feem tau txais kev pab rau kev saws muab ua yuam kev lawm; **los yog**
  - ❖ Qhov chaw khiav hauj lwm saws me nyuam los yog lwm qhov chaw tsis tau qhia rau cov niam txiv saws paub txog cov kev pab txoj kev saws me nyuam uas muaj thiab tsis tau saws me nyuam yav dhau los es tau txais kev pab rau kev saws me nyuam; **thiab**
- Nws muaj *tsawg dua peb (3) lub xyoos* txij thaum cov niam txiv saws tau paub los yog yuav tsum tau paub txog cov teeb meem saum no uas yog lub ntsiab rau qhov thov kom muaj lub rooj mloog kev ncaj ncees.

Ib tug niam tug txiv saws yuav ua tau ib daim ntawv thov kom rov sib hais dua yog hais tias lub department ua tsis tau raws li ib nqe lus ntawm daim ntawv cog lus Adoption Assistance Agreement. Daim ntawv thov kom rov sib hais dua no yuav tsum muab xa mus tsis pub dhau ib (1) xyoos tom qab qhov ua tsis tau pib muaj.

Ib tug niam tug txiv saws kuj ua tau ib daim ntawv thov kom rov sib hais dua txog lub department ib qho kev txiav txim rau ib daim ntawv thov kom hloov kho qhov nyiaj uas pab rau kev saws me nyuam tsis pub dhau 60 hnuv suav txij hnuv lub department sau ntawv qhia txog qhov nws tau txiav txim.

Cov niam txiv saws me nyuam yuav hu tau rau Adoption Assistance Program Specialist, Bureau of Permanence and Out-of-Home Care, Division of Safety and Permanence, los mus thov kev pab tswv yim kom paub txog kev pab rau kev saws me nyuam tom qab qhov kev saws ua tiav lawm. Yuav cuag tau tus Program Specialist ntawm P.O. Box 8916, Madison, WI 53708-8916 los yog hauv xov tooj: 866-666-5532 (hu dawb). Yog tsis txaus siab raws li qhov tau txiav txim thiab yeej muaj raws li cov cai teev dhau los saud, yuav ua tau ib tsab ntawv thov ib lub rooj mloog kev ncaj ncees kom rov sib hais dua raws li cov caij nyoog muab piav los saud mus rau Division of Hearings and Appeals, P.O. Box 7875, Madison, WI 53707-7875.

#### **8. Qhov nyiaj pab rau kev saws me nyuam txhua hli tej zaum yuav hloov tom qab qhov kev saws li cas thiab thaum twg?**

Cov tsev neeg muaj feem los mus thov tau ib daim ntawv hloov kho rau lawv daim ntawv cog lus uas xub ua kaum ob lub hlis tom qab hnuv qhov kev saws ua tiav, thiab txhua xyoo tom qab ntawd, yog tias cov kev pab xav tau tshwj xeeb ntawm lawv tus me nyuam tau nce ntau ntxiv thiab tsis muaj kev nrhiav pom los ntawm ib qhov chaw khiav hauj lwm pab me nyuam tias cov niam cov txiv saws tau tsim txom los yog tsis saib xyuas tus me nyuam.

**9. Kev hloov kho ib qho kev pab rau kev saws me nyuam yog dab tsi?**

Ib qho hloov kho qhov kev pab rau kev saws me nyuam yog kho daim ntawv cog lus xub ua thawj zaug thiab, yog pom zoo muab rau, muaj caij nyoog txwv tsis pub dhau.

Kom paub ntxiv txog qhov yuav thov ib daim ntawv hloov kho rau daim Adoption Assistance Agreement li cas thov mus saib daim ntawv tseb tawm online muaj lub npe tias *Adoption Assistance Amendment Information* nyob rau ntawm lub website no: <https://dcf.wisconsin.gov/files/publications/pdf/4063h.pdf>.

**10. Qhov kev pab rau kev saws me nyuam yuav tau mus ntev li cas?**

Ntshe ho tias ib los yog ntau cov teeb meem rau qhov tsis muab mus ntxiv ho tshwm sim no xwb, kev pab rau kev saws me nyuam kheev ua los yeej tau mus kom txog rau thaum tus me nyuam muaj hnuv nyoog 18 xyoo. Kom qhov kev pab rau kev saws me nyuam tau mus ntxiv dhau ntawm hnuv nyoog 18, thiab mus txog rau thaum tus me nyuam muaj 19, **yuav tsum ua tau tag nrho cov hauv qab no:**

- Tus me nyuam saws los muaj npe kawm ntawv puv hnuv hauv high school los yog qib siab ib yam li ntawd tom qab hnuv nyoog 18
- Cov niam cov txiv saws pab kev noj kev haus rau tus me nyuam saws tom qab 18
- Tus me nyuam saws los tsis yuav poj niam/yuav txiv

Kom qhov kev pab rau kev saws me nyuam tau mus ntxiv dhau ntawm hnuv nyoog 19 — tab sis tsis dhau hnuv nyoog 21 — **yuav tsum ua tau tag nrho cov hauv qab no:**

- Tus me nyuam saws los tau ua ntawv thov cov nyiaj Supplemental Security Income (SSI) tab sis luag tsis kam lees muab — *raws li tau txiav txim rau los ntawm ib qho muaj mob xiam oob qhab;*
- Tus me nyuam saws los tsis tau lwm cov kev pab, tsis muaj nyiaj khwv tau los thiab tus me nyuam saws los tsis muaj nyiaj txiag lwm cov pab los mus kawm rau hauv high school los yog qib zoo ib yam li ntawd mus ntxiv;
- Tus me nyuam saws los tseem kawm ntawv puv hnuv qib high school los yog qib zoo ib yam li ntawd;
- Tus me nyuam saws los tsis yuav poj niam/yuav txiv;
- Cov niam cov txiv saws muaj lub luag hauj lwm raws cai los mus muab kev pab rau tus me nyuam saws; thiab
- Lub department txiav txim tias tus me nyuam saws los muaj kev mob nyuaj siab puas hlwb los yog puas lub cev xiam oob qhab tsim nyog tau txais kev pab mus ntxiv raws li 42 USC 673.

Raws li cov lus teev rau ntawm daim ntawv cog lus, kev tsis pab mus ntxiv yuav tshwm sim:

- thaum tus me nyuam saws los yuav txiv/yuav poj niam lawm;

- thaum tus me nyuam saws los tsis tau nyiaj pab kev noj kev haus los ntawm cov niam cov txiv saws ntxiv lawm;
- thaum tus me nyuam saws los tas sim neej;
- thaum muaj ib yam hloov ntawm tus neeg saib xyuas tus me nyuam saws los;
- thaum cov niam cov txiv saws tsis muaj lub luag hauj lwm pab tus me nyuam saws los raws cai ntxiv lawm;
- thaum tus niam los yog txiv saws raws cai tas sim neej los yog cov niam cov txiv yog muaj ob leeg niam txiv;
- yog qhov chaw khiav hauj lwm tswj xyuas tus me nyuam saws muab nws tshem tawm ntawm cov niam cov txiv yuav saws lub tsev ua ntej qhov kev saws ua tiav; los yog
- yog qhov kev saws ua tiav tsis tshwm sim ua ntej tus me nyuam saws muaj hnuv nyoog 18.

Tsev neeg saws me nyuam yuav thov kom muab cov nyiaj pab rau kev saws me nyuam txo kom tsawg los yog tshem tawm kom tu mus thaum twg los tau.

#### **11. Qhov muaj feem tau txais kev pab kho mob yuav tau mus ntev li cas?**

Qhov muaj feem tau txais kev pab Medical Assistance uas muab los ntawm qhov kev pab cuam rau kev saws me nyuam yuav muaj mus yog tus me nyuam daim ntawv cog lus Adoption Assistance Agreement tseem siv tau thiab mus raws li daim ntawv cog lus thiab xeev thiab teb chaws tsab cai lij choj.

#### **12. Yuav ua li cas rau cov nuj nqis tshwm sim muaj lub sij hawm lis txoj kev saws?**

Thaum saws tau ib tug me nyuam thiab tau txais kev pab rau kev saws me nyuam, tej nuj nqis saws uas them taus thiab tseem ceeb yuav tau siv rau qhov kev saws, cov nqi hais plaub, cov nqi kws lij choj thiab lwm cov nqi uas muaj feem ncaj nraim rau kev saws raws cai thiab tsis yog tshwm sim muaj ua txhaum xeev los yog tsoom fwm teb chaws tsab cai lij choj yuav them rau siab txog \$2,000. Lub department hais kom muab cov nuj nqis no xa mus tsis pub dhau ob lub xyoos pib txij li hnuv muab qhov kev saws lis tiav. Cov nyiaj se (income tax credits) raws li tsab cai lij choj pub muab xam rau yuav muaj feem them rau cov nuj nqis saws. Yog xav paub ntxiv thov mus saib daim ntawv tseb muaj npe tias Reimbursable Expenses When Adopting Children with Special Care Needs uas mus nrhia tau hauv qhov website no:

<https://dcf.wisconsin.gov/files/publications/pdf/0747h.pdf>.

#### **13. Cov niam cov txiv saws puas yuav mus cuag lub department mus ntxiv thaum tseem tau qhov kev pab rau kev saws me nyuam?**

Thaum tseem tau txais qhov kev pab rau kev saws me nyuam, cov niam cov txiv saws pom zoo yuav qhia rau lub department paub txog tej kev hloov loj hauv tus me nyuam lub neej thaum muaj ib qho hloov tshwm sim. Cov kev hloov loj muab xam tau tias yog:

- tus me nyuam saws los tsis nyob hauv lub tsev saws lawm;
- cov niam cov txiv saws tau tsum tsis pab kev noj kev haus rau tus me nyuam saws ntxiv lawm;



- tus me nyuam saws los tas sim neej lawm;
- muab ntawv qhia paub txog kawm tiav qib high school rau ib tus me nyuam saws los nto 18 xyoo thiab siab dua;
- tus me nyuam saws los yuav txiv/yuav poj niam;
- tus me nyuam saws los tau nkag mus ua tub rog;
- hloov tus neeg muaj cai saib xyuas tus me nyuam saws los;
- hloov tsev neeg qhov chaw nyob;
- txiav tu cov niam cov txiv saws cov cai ua leej niam leej txiv;
- hloov ntawv pov hwm pab them nqi kho mob los yog kev them cov nqi kho mob; los yog
- yog tus me nyuam saws los raug muab mus nyob rau hauv ib lub tuam tsev ceev neeg (institution) los yog lwm qhov chaw tu uas yog tsoom neeg sawv daws them cov nuj nqis.

Cov niam cov txiv saws yuav qhia paub tej kev hloov tseem ceeb uas yog hu rau lub department hauv xov tooj ntawm 866-666-5532 (toll-free), los yog sau ntawv mus rau lub department ntawm P.O. Box 8916, Madison, WI 53708-8916.

#### **14. Ntaub ntawv qhia ntxiv txog Qhov Kev Pab Cuam rau Kev Saws Me Nyuam yuav mus muab tau qhov twg?**

Kom paub ntxiv txog kev saws me nyuam cov kev xav tau kev pab tshwj xeeb thiab qhov kev pab cuam Adoption Assistance Program:

- saib department lub website nyob ntawm <https://dcf.wisconsin.gov/adoption/assistance>
- saib daim ntawv tseb “Understanding the Uniform Foster Care Rate” nyob ntawm <https://dcf.wisconsin.gov/files/publications/pdf/0142h.pdf>
- Milwaukee County hu rau (414) 264-5437; rau lwm cov ntawm lub xeev hu rau Adoption Assistance Program (866) 666-5532 (toll free) or

Cov cim Wisconsin State Code uas muab hais rau hauv daim ntawv tseb no yuav muab tau nyob rau ntawm cov websites nram qab no:

State Statute 48: <http://docs.legis.wisconsin.gov/statutes/statutes/48.pdf>

Chapter DCF 50: [http://docs.legis.wisconsin.gov/code/admin\\_code/DCF/021\\_099/50.pdf](http://docs.legis.wisconsin.gov/code/admin_code/DCF/021_099/50.pdf)

Chapter DCF 51: [http://docs.legis.wisconsin.gov/code/admin\\_code/DCF/021\\_099/51.pdf](http://docs.legis.wisconsin.gov/code/admin_code/DCF/021_099/51.pdf)

Chapter DCF 56: [http://docs.legis.wisconsin.gov/code/admin\\_code/DCF/021\\_099/56.pdf](http://docs.legis.wisconsin.gov/code/admin_code/DCF/021_099/56.pdf)

DCF DCF yog ib tus tswv hauj lwm thiab ib qhov chaw muab kev pab cuam muaj vaj huam sib luag rau sawv daws. Yog koj muaj ib tus mob xiam oob qhab tsis taus thiab xav tau cov ntaub ntawv no ua lwm hom kom koj nyeem tau, los yog kom muab txhais ua lwm hom lus, thov hu rau (608) 266-8787 los yog 711 TTY. Muaj lus nug txog neeg cov cai hu rau (608) 422-6889 los yog 711 TTY (Hu Dawb).

**Kev Lees Paub**  
**Tau Txais Cov Lus Qhia Txog Kev Pab Rau Kev Saws Me Nyuam**  
**ACKNOWLEDGEMENT**  
**RECEIPT OF ADOPTION ASSISTANCE INFORMATION**

**Kev siv daim ntawv foos:** Daim ntawv foos no yog rau tag nrho cov niam cov txiv saws me nyuam kos npe rau. Cov ntaub ntawv ntiag tug koj muab tej zaum yuav muab siv rau cov hom phiaj thib ob [Privacy Law, s.15.04(1)(m), Wisconsin Statutes].

- Kuv / peb lees tias tau txais daim ntawv tseb muaj npe hu ua “Adoption Assistance Information” thiab lees tias Adoption Assistance Program tau muab tham nrog kuv / peb raws li nws muaj feem ntsig txog \_\_\_\_\_ (tus me nyuam yuav muab saws lub npe).
- Cov lus qhia txog cov cai siv rau qhov muaj feem tau txais kev pab rau kev saws me nyuam, raws li tau muab txhais nyob rau hauv Wisconsin Administrative Code, Ch. DCF 50, Facilitating the Adoption of Children with Special Needs, tau muab los sib tham thiab kuv / peb cov lus nug txog qhov kev pab Adoption Assistance Program tau muab teb tas lawm.
- Tau muab piav qhia tias ib daim ntawv thov Application for Adoption Assistance yuav muab xa / tsis muab xa (kos voj vooj rau ib qho) mus rau Wisconsin Department of Children and Families kom muab los xyuas.
- Tau muab piav qhia tias cov niam cov txiv saws yeej thov tau ib daim ntawv Adoption Assistance Application and Decision form (Form DCF-F-CFS0072-E) los ntawm tus neeg lis kev saws me nyuam thiab thov kom muab xa mus rau lub tuam tsev ua hauj lwm cheeb tsam los yog Milwaukee County tus kws tswj xyuas kev saws me nyuam rau qhov kev txiav txim txog qhov muaj feem tau txais kev pab. Yeej to taub tias yog tsis tau tso cai thiab tsis tau pom zoo muab kev pab rau txoj kev saws me nyuam ua ntej qhov kev saws ua tiav, ces yuav tsis muaj kev pab rau txoj kev saws me nyuam.

**KOS NPE – Tus Neeg Lis Kev Saws Me Nyuam:** \_\_\_\_\_

Qhov Chaw Khiav Hauj Lwm Saws Me Nyuam Lub Npe: \_\_\_\_\_

Cov Hnub Muab Cov Lus Qhia thiab Tau Sib Tham: \_\_\_\_\_

\_\_\_\_\_  
**KOS NPE – Niam Txiv Saws Me Nyuam Los Tu 1**

\_\_\_\_\_  
Hnub Kos

\_\_\_\_\_  
**KOS NPE – Niam Txiv Saws Me Nyuam Los Tu 2**

\_\_\_\_\_  
Hnub Kos

**Lus Cim Tseg:** Muab daim ntawv foos kos npe “Kev Lees Paub” no cia nyob nrog qhov chaw khiav hauj lwm saws me nyuam cov ntaub ntawv thiab luam ib daim rau cov niam cov txiv saws.